

山西通志卷第三十七

山西巡撫都察院右副都御史臣覺羅石麟奉

旨修輯

公署

官有廨所以壹其心而出政且使人胥知尊仰此卽七月
躋堂家老庀室之義也至前賢營造如絳守居園池思鳳
亭其著於載籍者別見古蹟不復復書志公署

太原府

巡撫都察院

署在太原府治之東鼓樓之北明宣德三年設巡撫山西
河南二省後遂專設建署前照壁一座石獅雄峙左右轅
門對列東撫綏八郡坊西提督三關坊中保釐重任坊文

官廳在左武職廳在右大門二門西隅有關帝廟鄧侯祠
東西列書吏房大堂五間上懸

國朝康熙十六年

聖祖仁皇帝御書清慎勤匾額三十五年

聖祖仁皇帝御書激濁揚清匾額

賜前巡撫倭倫四十九年

聖祖仁皇帝御書保釐重任匾額正己風羣吏精心理庶民對
聯

賜前巡撫蘓克濟雍正元年

御書澤潤蒸黎匾額

賜前巡撫諾岷又懸雍正八年

上諭恤刑一道今巡撫覺羅石麟敬刊大堂後爲川堂上懸

雍正五年

御書福字圓匾

賜前巡撫德明川堂後爲二堂上懸康熙五十二年

聖祖仁皇帝御書宏粹經遠匾額撫安千里路宣布九霄恩對
聯

賜前巡撫蘓克濟二堂後爲內署署北建

御書樓

聖祖仁皇帝御書匾額對聯詩賦鐫石貯其上樓下東西各建
牌坊東北隅建顯臨閣順治庚子巡撫白如梅建按察使
錢受祺有銘記

提督學院

署在太原府治之南卽舊臬司署改建雍正七年圯毀八

年學使朱曙蓀重修大堂上懸雍正二年

御書玉堂清要匾額

賜前學使劉於義兼有學使劉梅朱曙蓀匾聯

考棚附

在承恩門內迤東侯家巷舊三立祠改建前號舍九百六十

布政使司

署在太原府治東舊爲元行中書省署明洪武初改建宏治十五年左右布政使陳清叅政潘祺修未竣右布政使吳文度叅政曹鳳繼成戶部尚書周經記署南爲方岳坊左右爲承流宣化坊東隅有關聖廟提學李維楨記儀門內有屏翰坊大堂上懸

國朝康熙四十三年

聖祖仁皇帝御書匾額二一曰龍飛一曰風雲思

賜前布政使朝琦雍正三年

御賜前布政使高成齡福字圓匾大堂前軒懸雍正八年

上諭恤刑一道前布政使蔣洞敬刊二堂西有書齋匾曰公
餘自省三堂上懸

聖訓求諸已問之天六字雍正六年前布政使蔣洞敬刊

經歷司在大堂東隅

理問所在儀門外東隅

裁

照磨所在儀門外西隅

豐贍庫大使在大堂西隅

豐贍庫副使在大堂東隅

山西通志
卷三十一
三
軍需庫在大堂東隅

歷日庫

黃冊庫

鑄錢局

按察使司

署舊在太原府治西南卽今學院署也今署移府治東南
明景泰四年建初爲察院署後爲總督署又爲總兵署

國朝康熙二十五年按察使布雅努移駐四十年按察使巴
哈布重修署前有西臺總憲坊左右有三晉總憲八郡提
刑二坊西偏爲官廳大門儀門大堂中懸康熙三十五年

聖祖仁皇帝御書澄清郡邑匾額

賜前按察使陞陝西巡撫巴錫四十二年

聖祖仁皇帝御書清慎勤匾額

賜前按察使覺羅巴哈布雍正五年

御書福字圓匾

賜前按察使陞任布政使蔣洞雍正八年

上諭恤刑一道前按察使陞通政司右通政宋筠敬刊堂東
有箭石亭右有書屋顏曰漱芳前按察使岳岱建堂西爲
書院中懸

聖祖仁皇帝御書冰鑑二字匾額

賜前按察使陞陝西巡撫巴錫川堂懸

御書福字圓匾

賜前按察使陞通政司右通政宋筠

經歷司在大門外右偏

知事廳在學院署東北

照磨所

裁

司獄司在本司署東南

新設

冀寧道

署在布政司治東後截舊爲糧儲道署明萬歷十年叅政杜友蘭移建前截舊爲分守冀寧道署萬歷四十三年叅議王孟震移建自爲記

國朝順治間糧儲道裁前後通爲冀寧道署雍正八年叅議孟孫繩捐資重修署前左右有兩河成賦三晉周行二坊大門二門內有保釐西土坊大堂顏曰綏定二堂顏曰思補堂後有屏翰分猷坊宅門外有入馴琴鶴出奉車書二坊門右爲官廳三堂上廳

肅仁皇帝御書彰有德三字匾額

前道高啓桂東爲積石山有亭顏曰交翠

貢院

附

在迎澤門東承恩門西面城背水形勢崇高其地四十七畝有奇圍四百一十三步明指揮使陳彬故宅以西南角水池及空地易之正統十年建牌坊三間額曰登明選公明遠樓額曰爲國薦賢又曰日監在茲瞭望樓四額曰東觀西壁斗橫宿曜供給有所吏承有房號舍萬餘間至公堂七間彌封對讀謄錄受卷各一所衡鑑堂五間藻鑑堂五間內簾掄材堂七間五經房十二間提調監試收掌試卷館各一區萬歷癸酉就南城壁起奎光樓登仙橋規模壯麗甲於他省

府署在陽曲縣東明洪武五年知府胡繼建葉砥記嘉靖四十年知府于惟一萬歷三十七年知府關廷訪重修

國朝順治七年知府曹時舉九年知府邊大綬拓修大門外爲保障遺封坊次爲師帥坊大堂顏曰拊循左右六曹如制二堂顏曰退思三堂顏曰自省又後爲自公臺寶賢法帖名刻貯其下雍正八年知府劉崇元增新

清軍廳在堂右

管糧理事廳在堂右

理刑廳在堂左

裁

收糧廳在堂左

裁

經歷司

照磨所俱在府治內

知事廳裁

檢校廳裁

司獄司在府治內

稅課司在南關裁

大盈倉在府治東

織造局在布政司西廢

陰陽學

醫學俱在府治南

僧綱司在崇善寺

道紀司在城隍廟

山西縣署在太原府治西宋初徙州治於唐明鎮移縣治於西郭外金天會中移置郭下元因之明初省錄事司仍置

陽曲縣卽今治嘉靖二十八年堂燬知縣李珮重修

縣丞宅在正堂西

典史宅在縣丞宅西

天門關巡檢司在縣北六十里

石嶺關巡檢司在縣北一百里

戒石亭在儀門內 按戒石銘唐太宗製宋高宗時頒於

郡縣起居舍人黃庭堅書歷代因之各縣胥有不再見

存留倉

預備倉俱在縣治內

新城倉在縣北二十里

社倉

四

一在龍陀寺一在松樹村一在橫渠村一在三和

店

成晉驛在縣北七十里

臨汾驛在牛市街東

外館驛在南關

廢

遞運所在南關外新街

凌井驛在縣治西北八十里

惠民局在府治前

官廳三一在南關牛站門外一在北關新堡一在狄村狄

梁公祠

太原縣署在城中十字街東宋太平興國四年太原平廢晉陽縣置平晉縣於故城東明洪武四年移縣治於汾河西故唐城基之南八年改爲太原縣卽今治知縣潘原英建
成化七年知縣任亨宏治十四年知縣李曜增修

縣丞宅在幕廳東北

裁

主簿宅在官庫西北

裁

典史宅在東三房後

預備倉在城西南隅明永樂三年知縣王希善建

惠民倉在文廟西北

恒心倉在文廟東

養廉倉在文廟東御史趙文炳建

社倉

六

一在東街一在晉祠鎮一在南堰堡一在西寨堡

一在小店鎮一在溫庄村

惠民局在南街

稅課局

廢

行署

察院在東街北明洪武十八年知縣皇甫瑄建

布政分司在東街北明景泰元年知縣劉敏建

按察分司在北街東舊爲府亭嘉靖二十八年僉事朱政建
榆次縣署在城中央宋改并州治於此今治則明洪武三年
知縣林昇建也宣德五年知縣曹顯修成化間知縣梁琮
正德間知縣蘓民鄭德崇重修後六曹燬知縣尹綸雷雨
相繼重修其譙樓曰思鳳有序及詩歲久圯嘉靖二十五
年知縣俞鸞重修贊善閭璞記

縣丞宅在堂東

裁

主簿宅在堂西

裁

典史宅在東曹南

鳴謙驛在城北二十里

預備倉在城外明永樂三年知縣曹永中移置縣治東

社倉

四

一在順城街一在鳴謙驛一在東陽鎮一在什貼

惠民局在縣治東北

稅課局

廢

行署

察院在縣治東

布政分司在察院東

按察分司在布政分司東

太谷縣署在城十字街北後周建德四年自陽邑城徙此元

大德三年知縣馬仲信再建明洪武三年知縣鄭養吾正

德十年知縣陳繼昌增修規制始備萬二十四年知縣

喬允升

劉頤治十二年知縣郝應第康熙五十六年知縣孔興龍
重修

縣丞宅在贊政廳東

裁

主簿宅在架閣庫西

裁

典史宅在正堂東

預備倉在縣治南明洪武二十一年縣丞劉海建

社倉六一在侯城一在右象一在白城一在大白一在范

封一在上善

惠民局在縣治右

稅課局在縣治西街

廢

行署

察院在縣治東明洪武四年主簿劉中建